

Directivas davart il diever da palpì e d'emballadis sco er davart la dismesa da palpì vegl

sa basond sin l'art. 1 al. 1 da l'urden da gestiun per la regenza dal chantun
Grischun

relaschadas da la regenza ils 3 da settember 1990

Art. 1

¹ Questas directivas valan per l'administraziun chantunala, per ils instituts dependents dal chantun, per la cassa da cumpensaziun dal chantun Grischun e per l'institut d'assicuranza d'edifizis.

Champ
d'applicaziun

² Las dretgiras chantunals vegnan intimadas da medemamain observar questas directivas.

Art. 2

Questas directivas reglan il diever spargnus ed ecologic da palpì e d'emballadis, e quai en moda adattada als basegns da l'administraziun, sco er la dismesa correcta suenter lur diever.

Finamira

Art. 3

¹ Palpì ecologic è palpì da stampar che n'è betg sclerì opticamain e ch'è produci da cellulosas d'alta valur ch'èn sblatgidas absolutamin senza clor. Quel vegn fabritgà senza acid e neutralisà cun almain dus pertschient carbinats d'alcali da terra.

Noziuns
a) sorts da palpì

² Il palpì da recicladi è palpì da stampar ch'è produci cun 100 pertschient palpì vegl. Il palpì da recicladi dal qual las colurs da stampa n'èn betg allontanadas, n'è betg sblatgì, n'è opticamain betg sclerì, è preparà tras ina zavrada e tras ina nettegiada mecanica, n'ha nagina odor ed è bacteriologicamain irreproschabel.

³ Sco palpì spezial vala tenor questas directivas il palpì che vegn produci tenor proceduras convenziunals e che dispona da qualitads spezialas.

b) resistant a la vegliadetgna ed adattà per archivar	Art. 4 ¹ Il palpiri ecologic duvrà correspunda al palpiri ch'è adattà per archivar e ch'è produci tenor las enconuschientschas las pli novas. Perquai sto el satisfar da princip a las pretensiuns en il rapport d'examinaziun nr. 15271 dal EMPA dals 15 d'avrigl 1988. ² Il palpiri da ricicladì duvrà ha ina resistenza a la vegliadetgna d'almain 20 onns. Per intents d'archivaziun n'è quel betg adattà. ³ Palpiri spezial sto esser adattà per l'archivaziun, sch'ina lunga resistenza ha ina impurtanza speziala.
Diever da palpiri e d'emballadis a) diever spargnus	Art. 5 ¹ Dal palpiri e dals emballadis ston ins far diever a moda spargnusa. ² Scrittiras adattadas duain vegnir scrittas respectivamain copiadas sin domaduas varts.
b) sorts da palpiri	Art. 6 ¹ Per stampats, per scrittiras, per squitschs e per fotocopias vegn duvrà palpiri ecologic cun resalva dals alineas 2 e 3. ² Per ils suandants intents d'utilisaziun ston ins duvrar tenor pussaivladad palpiri da ricicladì: – cuvertas; – ulteriurs emballadis; – palpiri da notizias, blocs per notizias; – scrittiras, per las qualas l'adattaziun per archivar respectivamain il character da represchentaziun na gioga nagina rolla speziala; – fotocopias per il diever tenor l'artitgel 7; – squitschs dad EED sin apparats pitschens tenor l'artitgel 7; – rapports annuals e statisticas fotocopiadas cun excepziun dals exemplars d'archiv; – rapports da lavur, fegls da spensas, fegls da registraziun dal temp da lavur; – formulars che na vegnan betg archivads. ³ Palpiri spezial vegn duvrà, sch'i dat pretensiuns spezialas areguard la concepziun u l'apparientscha da las scrittiras respectivamain dals stampats.

Art. 7

¹ Palpiri da recicladi po vegnir duvrà en fotocopiaders ed en stampaders dad EED, sche l'apparat è adattà latiers. c) diever da palpiri da recicladi

² Il diever correspondent sto vegnir reglà cun la centrala chantunala per stampats e material (CSM).

Art. 8

¹ La CSM procura ch'ils stampats vegnian elavurads conform a las directives e che las sorts da palpiri menziunadas en questas directives vegnian messas a disposiziun. d) cumpetenzas

² En lur sector èn mintgamai responsabels ils singuls posts da servetsch ch'il palpiri e ch'ils emballadis vegnian duvrads tenor las directives.

³ Il departament d'educaziun, cultura e protecziun da l'ambient (DECA) s'engascha en il rom da sias pussaivladads ch'il palpiri e ch'ils emballadis vegnian duvrads, en las scolas popularas ed en las scolas medias privatas, conform a questas directives.

Art. 9

¹ Suentur lur diever duain palpiri ed emballadis vegnir surdads a la dismessa da rument mo, sch'ina dismessa correcta n'è betg pussaivla. Dismessa

² L'uffizi da construcziun auta procura per l'installaziun da centers da rimnada per rument da palpiri e d'emballadis ed organisescha la dismessa. Ultra da quai sto vegnir dada l'attenziun necessaria als interess da secretezza dal chantun.

³ En il rom da sias pussaivladads s'engascha il DECA per ina dismessa correcta en las scolas popularas ed en las scolas medias privatas.

Art. 10

Questas directives entran en vigur il 1. da schaner 1991.

Entrada en vigur

Art. 11

La CSM e l'uffizi da construcziun auta rapportan fin il pli tard la fin da mars 1992 davart las experientschas cun questas directives da diever e da dismessa e fan eventualmain propostas per midadas necessarias. Examinaziun